



Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry of Labour, Social Policy, Displaced  
Persons and Refugees**

Broj: 13-04/2-04-44485/21  
Sarajevo, 06.12.2021. godine

Na osnovu čl. 24. i 33. Zakona o mirnom rješavanju radnih sporova ("Službene novine Federacije BiH", broj: 49/21), ministrica za rad, socijalnu politiku, raseljena lica i izbjeglice Kantona Sarajevo raspisuje

**JAVNI POZIV**  
**za izbor miritelja i arbitara**

- 01. Miritelji – 5 izvršilaca – na period do četiri godine**  
**02. Arbitri – 5 izvršilaca – na period do četiri godine**

**01. Opis poslova**

**Miriteljem** se smatra lice izabrano za miritelja u skladu sa Zakonom o mirnom rješavanju radnih sporova ("Službene novine Federacije BiH", broj: 49/21), koje kao član mirovnog vijeća posreduje između strana u individualnom, odnosno kolektivnom sporu, te daje prijedloge i preporuke sa ciljem zaključivanja sporazuma o mirnom rješavanju radnog spora. Miritelj u individualnom i kolektivnom radnom sporu:

- zakazuje sjednice;
- prisustvuje razgovorima strana u sporu;
- predlaže moguća rješenja;
- utvrđuje činjenice od značaja za mirno rješavanje radnog spora,
- daje preporuke u vezi sa načinom rješavanja radnog spora;
- pruža stručnu i drugu pomoć učesnicima.

**02. Opis poslova:**

**Arbitrom** se smatra lice koje kao član arbitražnog vijeća donosi odluku kojom se okončava radni spor. Obavlja poslove predsjedavajućeg arbitražnog vijeća te kao takav dužan je zakazati raspravu u roku tri dana od dana prijema dokumentacije o predmetu spora o čemu obavještava strane u individualnom, odnosno kolektivnom sporu. Predsjedavajući arbitar rukovodi raspravom,



web: <http://mrsri.ks.gov.ba>  
e-mail: [mrsri@mrsri.ks.gov.ba](mailto:mrsri@mrsri.ks.gov.ba)  
Tel: +387(0)33 562-089, Fax: +387(0)33 562-090  
Sarajevo, Reisa Džemaludina Čauševića 1



uzima izjave od strana u individualnom, odnosno kolektivnom sporu i drugih lica u postupku ako ocijeni da je to potrebno.

Miritelji i arbitri imenuju se na period od 4 (četiri) godine i mogu biti ponovo imenovani.

Listu miritelja i abritara utvrđuje ministrica za rad, socijalnu politiku, raseljena lica i izbjeglice Kantona Sarajevo u roku od 15 dana od dana isteka roka za podnošenje prijava na javni poziv, te se ista objavljuje u "Službenim novinama Federacije BiH".

Miritelji i arbitri imaju pravo na naknadu za rad.

**Kandidat za imenovanje za miritelja mora ispunjavati sljedeće uslove:**

- a) državljanin je Bosne i Hercegovine,
- b) ima visoku stručnu spremu, odnosno visoko obrazovanje prvog ciklusa (koji se vrednuje sa najmanje 240 ECTS bodova) ili drugog ili trećeg ciklusa bolonjskog sistema studiranja i najmanje pet godina radnog staža u oblasti radnih odnosa,
- c) istaknuti je stručnjak u oblasti radnih odnosa, odnosno ima iskustvo u oblasti socijalnog dijaloga i kolektivnog pregovaranja,
- d) nije osuđivan za krivično djelo.

**Kandidat za imenovanje za arbitra mora ispunjavati sljedeće uslove:**

- a) državljanin je Bosne i Hercegovine,
- b) ima visoku stručnu spremu, odnosno visoko obrazovanje prvog ciklusa (koji se vrednuje sa najmanje 240 ECTS bodova) ili drugog ili trećeg ciklusa bolonjskog sistema studiranja za stjecanje diplome pravne ili upravne struke i najmanje 10 godina radnog staža u oblasti radnih odnosa,
- c) istaknuti je stručnjak u oblasti radnih odnosa, odnosno ima iskustvo u oblasti socijalnog dijaloga i kolektivnog pregovaranja,
- d) nije osuđivan za krivično djelo.

Kandidat je dužan uz prijavu na Oglas, koja sadrži kraću biografiju, adresu i kontakt telefon, priložiti originalne dokumente ili ovjerene kopije dokumenata koji su dokaz o ispunjavanju uslova traženih Javnim pozivom, i to:

- Izvod iz matične knjige rođenih,
- Uvjerenje o državljanstvu, ne starije od šest mjeseci,
- Diploma o visokom obrazovanju,
- Uvjerenje/Potvrda o radnom iskustvu u struci,
- Uvjerenje o neosuđivanosti za krivično djelo,
- Izjava da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu najmanje od 3 (tri) godine prije dana objavljivanja upražnjene pozicije, potpisana i ovjerena od strane nadležnog organa, ne starija od šest mjeseci.



web: <http://mrsri.ks.gov.ba>  
e-mail: [mrsri@mrsri.ks.gov.ba](mailto:mrsri@mrsri.ks.gov.ba)  
Tel: +387(0)33 562-089, Fax: +387(0)33 562-090  
Sarajevo, Reisa Džemaludina Čauševića 1



- Izjava da se na njega ne odnosi član IX.1. Ustava Bosne i Hercegovine, potpisana i ovjerena od strane nadležnog organa, ne starija od šest mjeseci.

Rok za dostavu prijava je 8 (osam) dana od dana posljednjeg objavljivanja. Nepotpune i neblagovremene prijave neće se uzeti u razmatranje.

Javni poziv će se objaviti u jednom dnevnom listu, na oglasnoj tabli Kantona Sarajevo i web stranici Ministarstva za rad, socijalnu politiku, raseljena lica i izbjeglice Kantona Sarajevo.

Sve informacije u toku postupka kandidovanja su transparentne, osim ako informacije o podnosiocima prijava nisu povjerljive u smislu Zakona o zaštiti ličnih podataka Bosne i Hercegovine ("Službeni glasnik Bosne i Hercegovine", br.: 49/06, 76/11 i 89/11).

**Prijave sa svim traženim dokumentima se dostavljaju lično ili poštom preporučeno na adresu:**

**Ministarstvo za rad, socijalnu politiku, raseljena lica i izbjeglice Kantona Sarajevo  
Komisija za izbor,  
Sarajevo, ul. R. Dž. Čauševića broj 1.  
Pisarnica, uz naznaku na koverti:  
"Prijava na Javni poziv za izbor miritelja i arbitara – NE OTVARAJ".**



web: <http://mrsri.ks.gov.ba>  
e-mail: [mrsri@mrsri.ks.gov.ba](mailto:mrsri@mrsri.ks.gov.ba)  
Tel: +387(0)33 562-089, Fax: +387(0)33 562-090  
Sarajevo, Reisa Džemaludina Čauševića 1

